



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 6. A serpentibus & leonibus puniti.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)

arob miscellam, seu turbam variarum mū-
 scarum interpretatur, dubium non est, tan-
 tam esse Dei potentiam, vt vel è musca fa-
 cere possit immanem tortorem. Sicut &
 locustæ grandi Ægyptum plaga percusse-
 runt. Deuorarunt enim, quidquid erat vi-
 rens in terra. Quin & domos ingressæ eas
 impleuerunt: & in oculos quoque & cor-
 pora Ægyptiorum insilierunt, hominēsq;
 virulento morfu suo, necauerunt, vt ait

Sap. 16. 9. Scriptura. *Illos enim locustarum & musca-
 rum occiderunt morsus, & non est inuenta sa-
 nitas anime illorum: quia digni erant ab hu-
 iusmodi exterminari. Filios autem tuos, nec
 draconū venenatorū vicerunt dentes. Quod,*

vt minùs mireris, hæc de illarum regionū
 Plin. li. ii. muscis scribit Plinius: *Grandiores cernun-
 tur, & tanto volant pennarum stridore, vt
 cap. 29. alia alites credantur, solēque obumbrant,
 sollicitè spectantibus populis, ne suas operiant
 terras. Longinqua maria transeunt, continua-
 ta plurium dierum fame, vt externa pabula
 petant; dira nube messes contegunt, multa
 contactu adurentes, omnia morfu erodentes.*

§. VI.

A serpentibus & leonibus punji.

Num. 21. Sic, murmuratione facta, misit Dominus in
 6. popu-

populum ignitos serpentes, ita dictos, quia ab
ijs morfi aduri videbantur, & vt alibi dici-
tur, in solitudine magna atque terribili fue-
rūt, in qua erat serpens flatu adurens, & scor-
pio ac dipsas. Itaque cum illis superuenit saua
bestiarum ira, morsibus peruersorum colubro-
rum exterminabantur. Sic, quando rex A-
chab regi Syriae Benadab pepercit, cum
posset & deberet occidere illum, tunc vir
quidam de filijs Prophetarum dixit ad socium
suum, in sermone Domini: Percute me: At ille
noluit percutere. Cui ait: Quia noluisti au-
dire vocem Domini, ecce recedes a me, & per-
cutiet te leo. Cumq; paululum recessisset ab eo,
inuenit eum leo, atque percussit. Alterum au-
tem non percussit, qui Prophetæ obediuit.
Leone, in vltionem, etiam alia vice vsus est
Dominus, aduersus Prophetam inobedien-
tem, quem inuenit Leo in via, & occidit: &
erat cadauer eius projectum in itinere: asinus
autem stabat iuxta illum, & leo stabat iuxta
cadauer. Leone hic Deum vsus esse in pœ-
nam, Prophetæ alter ostendit, qui ei pœnā
prædixit. Ostendit & ipse Leo, qui non asi-
num, sed fessorem occidit; & id se fame im-
pulsus nō fecisse, ipsa abstinentia demon-
strauit. Neque enim de occiso quidquam
gusta-

Deuter.
8. 15.

Sap. 16. 50

3. Reg. 20.
36.

3. Reg. 13.
24.

gustavit, sed juxta eum asinumq; perman-
sit, vt, contra aliarum ferarum imperum,
eos custodiret.

§. VII.

Vrsi malè educatos pueros punientes.

Sic non leonibus tantum, sed & vrsis vsus
est iustissimus iudex, ad petulantiam malè
educatorum puerorum plectendam. Ascen-
derat Eliséus in Bethel, cumq; ascenderet,
per viam, pueri parui egressi sunt de ciuitate,
& illudabant ei, dicentes: Ascende calue, Ascen-
de calue. Qui, cum respexisset, vidit eos, & ma-
ledixit eis in nomine Domini: egressi q; sunt duo
vrsi de saltu, & lacerauerunt ex eis quadra-
ginta duos pueros. Tanti erat luere. Sic
iocum puniuit diuina iustitia. Habent er-
go parentes, quid mereantur, apud diui-
num tribunal, si liberis suis indulgent, si
dissimulant sarcasmos, si etiam ad dicteria
jacienda eos instruunt; vt senes caluafros,
vt rugosas anus, vt seruos & ancillas con-
uicijs aspergat; vt illos cæcos, surdos, mu-
cosos, illas veneficas, vetulas, Cerberi ipó-
fas, aut Silicernia; hos mastigias, verbero-
nes, nebulones; has meretrices, prostibula,
pabula Orci appellent. Eliséum caluum
vocauiere; & pueri erant; & in campis nu-
gaban-